

餘姚縣志卷二十二

名宦

三國 吳

朱然字義封丹陽故鄣人也六字據朱治傳訂嘗與孫權同書學

結恩愛至權統事以然為餘姚長時年十九後遷山陰令

三國志縣城然為令時所築嘉泰會稽志案然長餘姚

本傳始於此雖後經改建已非故址肇造之功所不容沒今依舊志用冠此卷

朱桓字休穆吳郡吳人也孫權為將軍桓給事幕府除餘

姚長遇疫癘穀食荒貴桓分部良吏躬親醫藥餐粥相繼

士民感戴之終青州牧三國志本傳案嘉泰會稽志作朱亘蓋避欽宗諱也

呂岱字定公廣陵海陵人也為郡縣吏避亂南渡孫權統

餘姚縣志 卷二十二 名宦

事岱詣幕府處法應問甚稱權意召署錄事出補餘姚長

召募精健得千餘人會稽東冶五縣賊呂合秦狼等為亂

以岱為督軍校尉與將軍蔣欽等將兵討之遂禽合狼五

縣平定拜昭信中郎將累封番禺侯三國志本傳案嘉靖志稱岱寬簡有雅

量好賢愛士云云未知所據俟攷

晉

山遐字彥休河內懷人也為餘姚令時江左初基法禁寬

弛豪族多挾藏戶口以為私附遐繩以峻法到縣八旬出

口萬餘晉書山濤傳案遐為濤子簡之子鄉貫依濤錄之

孫統字承公中都人令餘姚居職務大體不事苛細縣中

大治乃窮覽名勝酌酒賦詩士民喜覩其風采焉嘉靖志案居

職三語晉書本傳不載嘉泰會稽志亦第二云不留心碎務  
嘉靖志雖去統時代較遠必有所本康熙志備錄其文今  
仍之

宋

張永為餘姚令有稱績嘉泰會稽志

梁

劉杳字士深平原人為餘姚令在縣清絜湘東王繹發教  
褒美之南史劉懷珍傳

沈瑀字伯瑜吳興武康人也為餘姚令縣大姓虞氏千餘  
家請謁如市前後令長莫能絕自瑀到非訟訴無所自通  
以法繩之縣南又豪族數百家子弟縱橫遞相庇廕厚自  
封植百姓甚患之瑀召其老者為石頭倉監少者補縣僮

餘姚縣志

卷二十二

名宦

二

皆號泣道路自是權右屏迹瑀初至富吏皆鮮衣美服以  
自彰別瑀怒曰汝等下縣吏何自擬貴人悉使著芒屨麤  
布侍立終日足有蹉跌輒加榜箠由是士庶駭怨瑀廉潔  
自守故得遂行其意南史本傳 嘉靖志先是山陰呂文  
人顧憲之臨郡表除之餘姚諸大豪更此兩人  
鷹擊毛摯為治皆屏息重足然細民頗安枕矣

唐

王恕字士寬太原人大歷中詔權知餘姚縣事時海寇初  
殄邑焚田荒恕乃營邑室勸器用復流庸闢菑畬凡江南  
列邑之政恕冠其首乾隆府志引白居易  
易王士寬墓誌

宋

謝景初字師厚陽夏人以甲科為大理評出知餘姚視民

如子民所利害相緩急為設方略務在利之姚北瀕海歲  
苦海患為築隄禦之詳在海隄記案今志水利境內多湖陂豪

強侵為田具奏禁止民每爭水泉乃隱度湖陂之高卑廣  
狹灌溉邛畝土門啟閉晷刻謂之規繩簿記之令諸鄉植

利戶詣官點對排列甲次定季巡視并置木勝敢違準違  
敕旨論其後令王敘趙子滿常褚皆梓之名曰湖經家給

之自是有盜湖爭利者證經乃息瀕海民多盜煮海禁之  
不止乃頒示約束令民無失利法亦罔忤而鹽課倍昔又

飭勵學官化誨子弟當是時王安石知鄞韓縝知錢塘景  
初知姚其弟景溫知會稽吳越令視此四人為法嘉靖志

會稽志景初知餘姚梅聖俞以詩送之云云景初故知制  
誥絳之子詩極高豫章黃庭堅娶其女自以為從景初得  
餘姚縣志

卷二十二

名宦

三

句法而景初之姑實歸聖俞其淵源所從來遠矣梅堯  
臣詩我從淮上歸君向海濱去安知無幾舍邂逅不相遇  
頗如飛空雲到月不得附月行既不留雲亦值風故誠知  
會合難豈是忘所赴我雖躡新履心不忘舊履誰謂若世  
人食瓜思棄瓠君南我赴北日見鴻雁度茲欲遠寄書雁  
行且高據但謂金石言於時儻無忤范仲淹送謝廷評  
知餘姚詩世德踐甲科青紫信可拾故園特榮輝高門復  
樹立餘姚二山下東南最名邑煙水萬人家熙熙自翔集  
又得賢大夫坐堂恩信敷春風為君來綠波滿平湖乘興  
訪隱淪今逢賀老無文藻凌雲處定得江山助未能同先  
舟離尊少留駐行行

道不孤明月相隨去  
韓宗道字持正嘉祐四年進士知餘姚縣有治績授堂金  
續跋梅堯臣送韓持正知餘姚詩君家二仲父連為吳

越宰錢唐與蕭山治蹟應無改魚鰕莫厭鯉網罟從人采

天晴姚江清縣鼓潮翻海  
李子筠為餘姚主簿號李水晶初有茶商航海與海船相

遭更相疑為盜鉦鼓交鳴格鬪殺傷十餘人繫理蕭山交

求主名不能得連歲年不決時趙邦守越檄子筠治之子  
筠曰犯時不知在律勿問具聞於州杖而遣之守以爲處  
議當於法也甚任之嘉靖志

陳宋輔仙居人覺民子也政和初進士召對首論二蔡坐  
貶餘姚簿有名嘉靖志

汪思溫字汝直鄞人擢甲科授雄州教授轉餘姚令姚鄞  
壤連俗近思溫察於利害所舉民好所去民惡愛戴如父  
母前令謝景初所築海隄歲久潮汐決齧思溫修其功並  
海七鄉田盡復故又念水利大計曲慎其防語在湖陂記

案今詳水利終顯謨閣學士嘉靖志

李穎字茂實福州人登進士第建炎二年知餘姚縣三

餘姚縣志

卷二十一

名宦

四

年金人入越州州守李鄴以城降穎士募鄉兵數千列旗  
幟以拒之金人不知地勢又不測兵多寡爲之小卻彷徨  
不敢進者一晝夜高宗得自定海登舟航海遷兩官擢通

判州事紹興中爲刑部郎中乾隆志引揮塵三編

趙子瀟字清卿宋宗室廉能仁謹人也其知姚時有李程

葉允者持縣事大豪也子瀟發其奸窮究事情論報具獄

由是縣官始尊得一意治民又縣喜訟每投牒率千百子

瀟口決手判無一弗稱平者好引縣人子弟趨於學新學

宮厚廩餼給之及去縣民立碑誌思仕終龍圖學士嘉靖志

楊襲璋字懷玉淮南人同上舍出身調餘姚尉能威制豪

強窮捕海寇終其任盜竊屏息值淮南道梗不得歸百姓

喜爲營田宅居之遂卜家焉嘉靖志

史浩字直翁鄞人代同縣魏杞尉姚其後浩與杞俱入相

世傳以爲盛事浩好修禮教捐俸購地作射圃創二亭每

朔望引諸生入射其中又封表巖光墓道建客星庵祀之

乾道四年知紹興復置義田山陰會稽餘姚三縣湖田七

百餘畝地三十六畝山一百十六畝官至右丞相封會稽

郡王加封越王嘉靖志參萬曆府志宋史有傳

沈煥字叔晦定海人乾道五年進士授餘姚尉歷官幹辦

浙東安撫司公事歲旱常平使分擇官屬振卹煥得餘姚

上虞二縣無復流殍宋史本傳

蔣綸字德言鄞人淳熙十年授餘姚縣十三年七月到任

餘姚縣志

邑素號壯縣綸以便親爲之貌不勝衣年又少吏民望而

易之府主邸密一世吏師威望赫然綸一見白事當其意

退而視篆遇事風生未浹日聲稱流聞滯訟冰釋兩造至

前或片言折之無不厭服書判傳播道路皆以爲神明催

科徭役綱目簡明不妄施一筆而官府夙辦受役者俛首

聽令密及部使者大稱之以餘力修學校葺傳舍講序拜

以崇義禮歌鹿鳴以勸多士應酬曲當下情益通纔半歲

屬疾卒闔境相弔樓綸撰墓誌銘

湯宋彥本姓殷金壇人以祖敏肅廕入仕遷知餘姚前政

多不善去宋彥推誠遇民吏聞善輒從民感其意吏亦喜

爲盡力賦入常先諸邑以通判慶元府去任繼改浙東安

撫使參議官

乾隆志引  
劉漫塘集

施宿字武子長興人其為縣推經術以飾吏治不事細謹民所關大計勇毅任之尤加意風教修學宮及子陵祠市田置書教誨學者姚北瀕海歲役民修隄勞費甚宿於是稍為石隄建莊田二千畝以備修隄之役功與謝景初同稱詳在海隄記

嘉靖志  
案修隄今詳水利

趙善湘字清臣宗室近屬昆弟皆以文儒自奮嘉泰開

乾案

隆志作慶元二年今知餘姚縣聰敏豈弟多善政嘗新南驛為邑官到罷寓家之地邑人孫應時記之

孫應時撰南驛記

元

馬驥鉅野人尉餘姚以廉幹聞父老立碑記其聲績

嘉靖志

餘姚縣志

卷二十二

名宦

六

脫脫字子安燉煌人初判黃巖累遷餘姚州達魯花赤廉明寬大平居持重人莫能窺其際臨事迅決張弛得宜民蒙其惠遷陝西行臺御史老稚涕泣攀送為立遺愛碑碑燬於火復請史官歐陽玄為文更置之

嘉靖志

李恭字敬甫關隴人為知州廉平不苛又習文法吏奸不行先是州民役於官者必歲終乃代廢其生作恭為更定每季代之州產紅小米合歲市白米充稅恭疏請以土產輸又營廟學乞增置師弟子員舉湖田數百畝益其廩勸立蒙古學每從學官弟子論難經義士民立碑頌德後避地餘姚卒州人哀金葬之元季之亂州人請以其子樞知餘姚明初改知奉化稱良牧

嘉靖志

宇文公諒字子貞歸安人以甲科任州同書之所為必册  
記之夜乃焚香告天以明不欺存問耆老孤寡引儒碩遇  
之有禮夏旱禱雨輒應民頌別駕雨累官廉訪僉事嘉靖志

汪文璟字辰良常山人舉進士初判餘姚聲為廉平擢翰

林編修詔擇循良復以文璟知是州任德弛刑細弱安利

有豪商武斷海瀕又奸出鹽利誣民文璟按治之然不為

嚴誅務以長者化導之修舉庠序之教身課其業誘進諸

生有文翁之風歲旱徒跣禱山川七日得雨有秋海寇竊

發官兵壓境文璟從容應之百姓無擾及去任皆懷思其

德為樹碑焉後浙江盜起文璟擇地避之曰不如餘姚其

民愛我乃家焉洪武元年卒年八十九嘉靖志

餘姚縣志 卷二十一 名宦 七

郭文煜字彥達大梁人嗣文璟為州以化治稱其後有盧

夢臣者名聲等於文煜州人並見思焉嘉靖志

傅常字仲常鉛山人舉進士調餘姚判官嘗視州符奸沮

滯決吏民服之至正年分原佚秋海上有警宣闔檄常偵賊定

海而常所受徒民兵與賊遇弗敵死之常居官有冰檠聲

成海之役借人一襦褐以往其在海上念其母每泣數行

下蓋忠孝廉潔之士實不知兵死皆惜之母及其兄不能

歸因以為家嘉靖志

劉輝字文大汴人為州同知郡守下輝均田賦是時州籍

燬於火豪猾乘時詭匿甚難蹤迹輝手植二柏於庭禱之

曰事成則榮不成則否乃躬履畝鱗次圖之曰魚鱗圖置

流水簿兜圖之實又爲鼠尾冊定上中下三戶均其徭役每田一邱給民印署烏由一紙令按由檢田卽無由莫敢業田也於是還其田之匿於民者萬七千二百畝有奇先是輝受府檄出舍於外晝夜隱度鬢髮爲改及是賦役平柏果榮吏民愛之如甘棠樹碑記之

嘉靖志

葉恆字敬常鄞人判州有幹局堅忍耐事籌畫久遠數延見父老行誼之士詢咨政理姚有禦海隄潮汐決齧海移內地歲備海修隄垂四十年而患益甚乃更置石隄二千四百餘丈自是遂無海患會稽楊維禎爲文記之至正間錄隄功追封仁功侯立廟餘姚詳在水利

嘉靖志參  
乾隆志

桂德稱字彥良以字行慈谿人初爲包山山長移長高節

餘姚縣志

卷二十二

名宦

八

橫經講道士類宗之除平江路文學掾不赴方國珍據甌越辟彥良立謝之聚徒山中嘯嘯道真明初起爲皇太子正字終晉府右相

嘉靖志

陶安字主敬姑熟人初以鄉貢補明道山長移長高節遵用朱子學諄諄化誨浙東西學者踵至強暴之徒亦慕其化稱安爲善人君子尋以公委去職入明出爲名臣

嘉靖志

謝理字玉成天台人世篤古學初授臨海丞至正十八年以分省命治賦餘姚政出一己眾弊盡去民悅服相率詣分省請以理鎮其地分省重違眾意遂允所請讞案明決吏不能欺時朔南中阻由海道以達餘姚爲要衝且近省臺往來之使日夜沓至直傳舍奉飲食者方苦冗煩理悉

裁以法會分省出師而西旌甲蔽野眾懼不能供億理庀材任事供其資糧肅然有度里胥之迹不涉都鄙民用無恐明年春督造御茗於餘姚慈溪境上以先時有病於民備咨其故且屬廉士以輔宿苛乃除黜詣行省請去適理同姓左丞某統長槍軍至自衢婺佐分省以障東土而餘姚上虞填駐其眾未幾流言起民以爲憂分省乃還理餘姚單騎而至三日其軍俄警嚴擁列江澚左丞使邀理至軍告以流言日甚理慷慨與辯左丞釋然即日以其軍去且飭將士毋暴其境斬不聽令者數人於是殆者始安其夏六月不雨理走禱雨輒應民銜其德爲樹善政碣宋僖記之庸庵集案宋僖善政碣記未書名據嘉靖志汪文環撰重修城隍廟碑記正

卷二十二

餘姚縣志

九

陳侯名佚天台人以學行世其家而有文武才略至正十九年總督鎮兵於餘姚弛四門禁通民夜出入以救涸田履田督之務持大體有成績其明年石堰場官吏慕其德政乃請於分省兼董其職石堰置賦鹽重他場入元以來增至九千引引四百斤煮海之戶輿替不恆而有恆賦困於賦重竄徒隕絕者不勝計時令王某丞鄒某皆石堰人以石堰病白行省得減賦賦六千餘引又以賦出內有內阻外侮之不虞因請侯董之侯下令禁苛蘇瘵具有紀度賦成則竈輸於場場輸於檢校所內外率經強弱均分石堰吏民德之爲刻石誌焉宋僖撰陳侯督賦石堰場善政記

明

陳公達清江人洪武初知餘姚廉謹不任威刑務以德化  
時民籍新附狡黠者重輕其籍役法病不均公達令各  
縣自實而使里甲羣證之皆悉其情偽乃次爲上中下戶  
做元劉輝造鼠尾冊次序書之亦定役爲三等遇差役視  
冊等差與之無不稱平者後卒於官百姓皆哀痛焉嘉靖志  
唐復字復亨武進人洪武末進士知姚爲人直方斷擊無  
滯拊循小弱甚著恩愛嘉靖志

都昶字文達海豐人以太學生知姚謹廉勤敏好禮士數  
過高士張一民所執禮甚恭延停盡日一民具蔬菜糲飴  
昶飲食之極歡治縣號得體百姓親附之會永樂初營建  
追督材需者旁午縣獨特昶無擾卒坐稽慢譴逮民爭輸  
餘姚縣志 卷二十二 名宦 十

材願還昶昶謝之曰以昶故累吾民矣民益德之在縣九  
年吏胥莫能鉤致一錢然亦不笞辱吏以故吏無怨者灑  
行民爭留其鞵於舜江亭後有見鞵泣下者嘉靖志

劉仲猷廬陵人國子生預修永樂大典書成授餘姚知縣  
有能稱後以言事忤旨謫置景州嘉靖志

黃維字德防星子人性嚴毅善斷初莅縣有丞朱某貪暴  
無忌每易維維佯愚以觀之已具得其事輒按去之是時  
民苦折納需銀爲細絲維白諸當路當路者折挫維維愈  
悉其利害不爲動曰但折挫令免折民細絲令所甘心焉  
當路者曰令誠愛民以故縣得不折細絲維名由此益賢  
益敦裕民事民大和輯時縣署學校皆圯維完修之民欣

欣赴工無以爲勞費者

嘉靖志

張禧字公錫靈璧人以御史謫知縣喜簡靜不務苛細徇百姓甚著恩禮獄訟造庭者令具衣冠曰子見父母豈得廢禮卽不肖此獨有法耳爲縣數月德化大行逃亡復業以尤異擢守杭州父老遮道挽留馬不得前禧下馬謝曰禧何政徒煩父老耳眾皆號泣送至錢塘者餘千人

嘉靖志

劉規字應乾巴人以進士知餘姚剛毅有惠愛所推行務當羣情監司或左其事規持之堅弗爲變監司初固以規抗卒亦未嘗不賢規然規固自如不以是置喜戚也時中官暴橫誅求入骨髓民皆股栗欲亡去有司但唯唯規獨挺身當之中官聞規素清白卒不敢虐其民成化七年海

餘姚縣志

卷二十二

名宦

十一

溢大饑疏蠲其租振貸之時廟學俱壞規捐資葺之以憂去百姓至今思焉其後有賈宗錫張弘宜相繼爲縣與規稱三賢令賈張自有傳

嘉靖志

張勛歸德州人以吏除主簿爲人守廉不取民一錢或諷以罷官家居無資奈何勛曰吾積俸一二年置地二三頃令子孫耕業其中足矣人皆服其操識事母至孝處職勤慎海溢隄壞勛率眾修完之多稱其功

嘉靖志

胡瀛字孟登羅山人以進士知餘姚時日本來朝騷動鄞慈聞瀛備之堅益市瓦器實魚菜糗糧至卽人與數器夷得飽殊歡已輒就道縣得無擾歲饑盡發廩以振弗給則節量溫飽令饑民得傭食其家多所全活又奏免田租已

賜之半復爲請折所弗免者又許之乃監司督折銀甚急瀛罷弗徵坐罰俸又弗徵明年有秋始下令民爭輸恐後曰弗復累我公也民爭燭湖水利積年不決至集眾逞兵瀛量其廩灌邛畝爲塘分其湖爭遂息瀛均徭多右細民細民無不得其情者豪右猶畏之莫敢肆以憂去百姓思之爲立碑焉

嘉靖志

張弘宜字時措華亭人初以進士知寧海有聲改知餘姚樂易通儻不修邊幅喜與民興利去害不爲威惕好賢禮士獨疾惡異端禁奸止邪境內淫祠盡毀之以新公字自劉規胡瀛賈宗錫及弘宜相繼爲治二十餘年間更此四令黎民稍又安矣

嘉靖志

餘姚縣志

卷二十二

名宦

十一

賈宗錫字原善常熟人由進士知姚用廉靜寬和爲治遷監察御史

嘉靖志

周霖字希說乾州人以進士知餘姚剛果有爲獄無停繫人服其能擢監察御史

嘉靖志

劉希賢宣城人由吏員初授餘姚簿遭內艱去任後再補餘姚不以家累自隨性狷介忠實無他腸然有執持遇事顧義恥隨俗俯仰以故每與當道抗死之日僚友檢其篋止存俸餘五錢帕二方而已官爲斂其喪歸之

嘉靖志

張瓚字宗器六合人由鄉貢知姚爲政平易喜簡靜務爲惠愛正德七年秋海溢溺民浮屍蔽江瓚涕泣躬督瘞之時邑里蕭條民免於溺者皆飢寒不勝瓚力請振之當路

乃猶督租如故瓚俟其行縣檢荒率饑民路號請貸無異  
家事當路盛氣加瓚瓚應對如響租終獲免民賴全活然  
瓚卒以此忤當路改知他縣

嘉靖志

朱豹字子文上海人舉進士知奉化縣有聲選曹謂其能  
理繁劇移知餘姚時縣務積弛豹裁治綽有餘力先是縣  
遣人押囚徒聽里正報其里甲謂之短解里正緣此索財  
復仇爲患豹但用里正解遺不以煩細民後令守其法民  
便之遷監察御史民爲樹碑思之

嘉靖志

邱養浩字以義晉江人以進士知餘姚才識閒敏吏莫能  
爲奸遇事執義不移課諸生分異等差不爽毫髮按戢豪  
強務在改易亦表識其善良者爲之方格舊時餘姚賦役

餘姚縣志

卷二十二

名宦

十三

多奸欺飛詭影射不可蹤迹養浩洞見弊端定爲橫總冊  
釐正之稱均平擢監察御史以去民思之樹碑記德

嘉靖志

楚書字國寶寧夏人進士知餘姚廉能有執持治縣一年  
卽以憂去百姓久而思之

嘉靖志

顧存仁字伯剛太倉人以進士知餘姚才敏善適權變迎  
事立解興舉廢墜甚著名譽縣賦役自邱養浩釐正豪猾  
復爲奸欺飛詭漏免三辦銀貧民一丁有出銀九錢以上  
者存仁乃右丁科田每歲畝出銀六釐充三辦於是無田  
者得以無擾富者無能夤緣梓爲書戶給之罔弗稱平監  
司推其法於全浙餘姚無邑志謀纂述之未就遷給事中  
去丞金韶者字子善顧同郡人能嗣其美志卒有成韶爲

人溫良謙謙然政有條理吏奸不行民稱頌之居六年遷

知長汀縣存仁有去思碑詔有韓縣譙上嘉靖志明

葉金武進人嘉靖十九年以紹興府通判來攝縣事留意

文教送諸弟子員就學刻弘治王子至嘉靖庚子續科第

題名記并重刻洪武庚戌至弘治庚戌科第題名記士氣

爲之一振謝丕撰儒學續科第題名記

李忠上元縣人開國功臣成孫世襲三山所百戶正統七

年領兵駕巡船捕倭倭攻大嵩城忠擊殺數十人乘風追

捕忽反風兵死傷頗眾船皆衝散忠自破船沈海死臨山衛志

參詳山志

吉恩泗洲人開國功臣慶六世孫五世祖貞陞授三山所

餘姚縣志 卷二十二 名宦

副千戶恩世襲其職有才猷長騎射奉調捕江西常玉洞

賊劉六劉七直搗其穴平之事聞以世守海口要地不便

遷調獎賚有差許山志

劉朝恩官臨觀把總嘉靖三十四年五月倭寇三千餘人

自後海登岸掠上林及梅川進犯三山所城時朝恩已承

檄他委離所一舍聞報即馳還率軍民固守值霖雨城圯

者數十丈賊譴呼謂唾手可拔城中洶洶或勸朝恩突走

朝恩叱之曰我世受國恩今日正報效之秋豈可以事權

去己而規避耶且我去一身之利得矣其如生靈何遂以

木障城圯所督戰甚力時城上矢石如雨而未有中賊者

朝恩悟曰此幻術也投以生犬首發矢即中其酋帥貫喉

而甃賊驚潰追躡之斬馘數級內外居民全活三四萬人  
領兵指揮賊殺性勇猛善雙矛與朝恩同誓死堅守嘗倉  
卒遇賊兵器不及卽築石以投甃十餘人

濟山志

馬元忠字北海工詩文高祖全以戰功授臨山指揮僉事

元忠襲職十五年歷金盤松海臨觀諸總禽賊首陳自盼

等樞臣奇其才命督福建軍進襲倭至寧定洋夜雨龍見

目如炬元忠以為賊射之龍負痛翻濤舟覆越數日元忠

屍浮於周巷路下潭顏色如生總制胡宗憲奏聞賜祭土

人立廟祀之

東山志

胡宗憲字汝欽績溪人嘉靖十七年進士初知益都以艱

歸後補餘姚為人魁岸彭碩不瑣屑簿書筐篋之務民間

餘姚縣志

卷二十二

名宦

五

有大利病輒以一籌先之縣有勝歸山殘於採石宗憲捐

值而歸諸官後為總督平倭寇復泚餘姚受降縣人為勒

功勝歸山上

乾隆志引  
萬曆志

羅銑嘉靖閒丞才守並著縣人久而稱之餘姚丞多自好

者形勝家歸勝於丞廨云

乾隆志引  
萬曆志

周鳴埴字思友蘄水人嘉靖閒以進士知餘姚時當軍興

之後庶務剗敝鳴埴銳意振飭初行文田法為酌定要束

畫一以究成事人莫能欺官至廣東參議

乾隆志引  
萬曆志

張道字以中湖口人嘉靖四十四年進士知餘姚廉明仁

恕頌聲大作未幾以憂去後官御史

乾隆志引  
萬曆志

鄧林喬字子楨內江人嘉靖末以進士知餘姚平恕愛人

時縣有水災歲大稔林喬令坊鄉所在作糜飼饑民躬臨視力請當道得穀五千石又多方措設以益之全活甚眾尤加意學校官終左副都御史三邊總督乾隆志引萬曆志

譚璋臨桂人以貢士署教諭先是有易某者內深賊外持

詭辨虐用諸生稍意迂便中以危禍諸生人人自危璋素

長者誨諸生敦師弟義其於利恥言之諸生貧不能存者

必曲為調助以是益追惡易而傾心歸譚譚後以憂去諸

生追送人人泣下脫其冠懸於學宮以誌思焉嘉靖志

王球字子成爲教諭循謹雅飭視諸生若家人父子諄諄

誨掖能舉其職後遷嘉興路教授邑人樹去思碑焉翁大立撰

去思碑記

餘姚縣志

卷二十三

名宦

十六

莊天恩字元育華亭人嘉靖十三年舉人任教諭時餘姚

諸生率親師友重掌故而天恩喜獎成新進以故士爭趨

其門經品題者多聞人乾隆志引萬曆志

李時成蘄水人案碑作楚黃人據康熙官師志正隆慶五年進士繼鄧林

喬知縣事明制版籍十年更造丁產出入動有磨刮擻易

之弊時成釐之邑糧稅往無重征自倭夷絡繹兵餉漸廣

雜辦繁劇倍於額賦一時督責不勝誅求時成酌其緩急

標名易知用一緩二人人樂輸增置學田佐歲修費民死

無所歸出公餘買地而葬考治行最明年以內臺召士民

留之不得立去思碑翁大立撰去思碑

黃墀豐城人隆慶四年舉人清標雅範弟子以文藝進者

翻對靡倦或以脩脯進輒面赤不問卒於官士論惜之乾隆

志引萬

馬應龍武進人舉人爲教諭恂恂儒雅喜接引門下士無苛禮時相申時行許國爲同年友絕口不及之人重其品

乾隆志引

丁懋遜字允節霑化人萬曆八年進士知餘姚誠心質行政尚簡肅吏畏而民安之學宮縣治屬其鼎新以憂去復

除吏科給事中乾隆志引萬曆志

陳勛字世勉寧德人萬曆二年進士知餘姚貌不及中人

然有吏才元惡數輩憑族氏莫敢誰何勛以計翦除殆盡尤精於識鑒校士高等者率取科第在邑七年官至廣西

餘姚縣志 卷二十二 名宦

參政乾隆志引

葉煒字文光宣城人萬曆十四年進士以才自上高調任會歲饑民孳載道百計起之盜發嚴督探捕賊鮮有脫者

然不波累一人久之外戶可不閉姚俗宴會侈概謝絕曰

我與賢士大夫風儉也乾隆志引

馬從龍字雲從新蔡人萬曆中以進士知餘姚爲人沈默簡貴遇士大夫恂恂文弱至其守法持重賁育不能奪歲

時饋問無所受懲吏胥之蠹酌爲四議切中肯綮舉事未

竣以艱去代令江起鵬踵成之乾隆志引

楊元臣雲南太和人萬曆開由選貢爲縣丞爲人樸直關說弗入以病卒不能歸喪縣人憐而賻之乾隆志引

萬曆志

董羽宸字邃初華亭人萬曆四十一年進士知餘姚縣時當倭患奸民與市以致闖入羽宸廉得其人按以法海患始息鄉豪有殺其族屬者籍里甲勿以聞羽宸偵知立出其骸於荆棘中民服如神明官至吏部左侍郎乾隆志引舊通志梁佳植字南有宜春人崇禎進士知餘姚體緩弱未嘗形喜怒人莫窺其際及鞠訟屹然不可移餘姚錢穀久爲吏胥乾沒解戶苦之佳植一洗積習民輸賦恐後蒞任四載與民休息盜賊鮮少去官涕泣送者無算乾隆通志

袁定字與立華亭人崇禎十年進士知餘姚剛斷有爲葺城垣修學校清糧役尤能發奸摘伏有隸役乘句攝毆殺一驛夫立斃之歲饑貧民聚眾肆掠捕得數人未及報卽

餘姚縣志

卷二十二

名宦

六

培殺之而自劾不職隨設法振濟多所全活乾隆通志參府志

王正中字仲塢保定人寧國公之仁從子也崇禎十年進士游高唐州會大清兵南下轉運銀杠亦避入高唐

大軍會高唐州守以銀杠且晚敵物不若鬻免一州士女屠戮正中與押狀事平論死數年得出除知長興縣浙西失守避地紹興魯王泣越以兵部職方主事知餘姚餘姚當紹寧山海衝軍將往來剽奪市販朝得札付暮入根括民舍正中設兵彈壓約各營取饒必經縣否者以盜論總兵陳梧敗於嘉興渡海擄掠鄉聚正中遣兵擊之鄉聚犄角殺梧朝議罪正中黃宗羲力爭梧見殺蓋眾怒正中無罪乃止張國柱掠定海乘潮而西縱兵入姚城正中計折

諭止之用仰荆本徹先後倣江下皆惕息去一年之中屢  
經悍將而邑免大禍民戴之如父母陞監察御史正中短  
小敏練喜任事而措置甚大益募驍勇將從海道取海寧  
海鹽通浙西路於是尙寶卿朱大定太僕卿陳潛夫主事  
吳乃武皆自浙西來受約束壇山烽火連於武林北門藉  
無恐又通律呂星象王遁喜讀實用書乙酉冬進魯王丙  
戌年歷及敗逸於民間姚邑遺民沈國模史孝威韓孔當  
陳天恕呂章成邵曾可等咸共往來深衣幅巾假醫卜續  
食 大清康熙六年八月卒於山陰之陳常堰年六十九  
東南紀事 乾隆通志寓賢正中從閩  
人柯仲烟受天官之學談之往往有驗  
國朝

餘姚縣志

卷二十三

名宦

九

胥庭清字永公上元人順治四年進士四明山寇亂城門  
晝閉防守兵聞寇抄略旣去始出而盡其所有邨落無寧  
宇庭清以爲將使民盡爲寇也於是遏兵不出設策招撫  
以萬計已而平定歲大歉饑民載道庭清發粟振之久亂  
之後百廢具舉陞工部主事

康熙志

康如連字修庵安邑人以進士知餘姚縣多善政康熙二  
十九年縣大水裂山谷破冢墓湮沒千餘家城不沒者二  
版如連從知府李鐸慟哭於行臺請疏蠲正賦徧勸郡中  
富室出見糧乃糴溫州米以振有至千金者設振法教職  
丞尉分詣各鄉親給民無遠哺吏無中漁行振官皆自炊  
不沾里長半菽凡三振人受米一石五斗轉徙者沿道爲

糜以餉之民困以甦續修縣志閱三月而書成乾隆志

田西坡二山所城守也康熙十三年山賊小王率黨千餘

人突攻所城時城中無兵西坡手銅鏈單騎從南門出鬪

於落成橋南殺賊數十人賊鳴鉦西坡騎驚竄乃下鞍步

凌且戰且卻至城門已閉躍而登賊自下刺之顛然城中

居民緣是得從北門出賊無所掠焚廬而去詩山志

韋鍾藻號岸亭黃岡人康熙十六年舉人四十年知餘姚

縣振興義學因邑人改建之請相半霖地卑溼捐俸買南

城角磬苑出佛像而更新之旋因事解篆居武林屢致書

促事不以去留易意及成遷主中堂改題為姚江書院邑

人士立碑以識去思姚江事蹟

餘姚縣志 卷二十二 名宦 二十

梁澤字珩白順德人康熙三十八年舉人知海鹽縣有善

政嘗著四無詩揭署壁以自箴署桐鄉調餘姚時盧文弨

方貧而弱其父為怨者陷繫訟急澤為懲怨者迎文弨至

署豐予供給督課甚嚴後文弨主考於澤方家居文弨

踵謁留旬日不忍去順德縣志

沈暹字辰令海寧人康熙二年舉人任教諭見學宮日圯

首勸修啟聖宮旋佐知縣康如連修繕學校復親製大成

樂器善於汲引士論歸之乾隆志

周助瀾字迴川仁和人雍正十三年舉人任教諭性廉介

終日危坐讀書家人告米匱不郵也植梅數十本暇則與

諸生賦詩其間辨論古今欣然忘倦遷筠連知縣乾隆志

趙預涇縣人以保舉任餘姚知縣安靜善斷民無冤滯暇則親行坊巷勸善良而懲其不率者民畏而愛之調秀水去終河南安陽縣乾隆志

蔣允焄貴筑人由翰林改授知縣乾隆八年涖任發奸摘

伏吏胥不能欺遊民橫於市者悉斂迹持法平恕所決罰

人無後言加意振刷議濬城河修縣志會以艱去縣人刻

其所欲行者為一書自題曰有志未逮以貽後人仕終福

建按察使乾隆志

張松邵陽人雍正八年進士知餘姚縣乾隆十六年發帑

金告糴鄰省多方勸富民輸助振卹以是旱不為患調仁

和仕終通判乾隆志

餘姚縣志

卷二十三

名宦

三

陳九霄武陵人由舉人知餘姚性耿介勤於吏治有妄愬

邪教者牽引甚眾九霄廉得其實請於大府盡釋之乾隆志

唐若瀛字一峰三原人舉人乾隆四十一年來任餘姚期

年政成留意文獻踵前縣主康如連纂修邑志網羅散失

手自參訂厥功甚偉語在前志敘中以課最移知錢塘並

有聲

吳高增字敬齋嘉興人嘗署餘姚訓導學宮就圯力任興

修值歲祲以工代賑賴濟者眾有諸生五人麗於法其情

可矜為白縣釋之山陰何燭跋敬齋重錢聖賢像

定育滿洲人舉人嘉慶六年知餘姚縣振拔士子文風丕

振每決科前列者多登薦有兩眼皆青之譽放告無訟牒

可收輒收文字筆削之士皆悅服周卹貧士鄉試給以費  
與曰自 國初至嘉慶時田賦畝贏銀一釐一忽歲計率  
三四千有司輒私之余特公之士類而固非余私囊所出  
也其潔己愛士如此後任石同福崔之煒皆踵行之姚江志  
張吉安字迪安號蔣塘吳縣人乾隆六十年舉人大挑以  
知縣發浙江嘉慶八年冬補餘姚明年春雨傷稼米價騰  
涌吉安既請糴倉穀又請於臺使者官運川米五千石繼  
之民食以足十年復被水鄉邑煮振廠專設縣城擁擠傷  
亡日數輩吉安分鄉設廠別男女官帑外勸富民協濟訖  
撤廠無枉死者邑多名匾次第修復以工代振尋乞養歸  
道光九年卒民奉粟主於洞霄宮卽吉安所修建以祀蘇

餘姚縣志

卷二十二

名宦

五

文忠公者也

李元度 國朝先正事略

夏淮字肇平建德人廩貢嘉慶六年任餘姚訓導訓士有  
法貧者卹以膏火及卒士皆以詩哭之建德縣志

鹿嗣宗字錫堂定興人監生嘉慶十七年任餘姚以經術

飾吏治勸修 文廟並作 聖廟志輯要有益文教

洪錫光字瑤圃江西人進士道光十七年來知餘姚政通  
民理尤崇儒術以忤上官旨被鐫其去也風雨交作士民  
遮道泣送贈聯懸署門有誦我賢良四壁雲山皆失色奪  
民父母五更風雨亦含悲之句鄉父老猶能追誦之同時  
譚爲霖字萍蕪陽江人道光十六年任三山巡檢能詩下  
士性安淡泊屏絕苞苴世皆以清吏稱之卒於官著有依

雲軒詩鈔行世

陳益字友三閩縣人咸豐元年舉人同治六年署理餘姚縣折獄明允又以平餘縉錢五百千撥充龍山書院膏火著爲令

陶雲升字晴初天津人咸豐二年進士十年知餘姚縣明年粵匪陷邑城身之上海乞師城復再任時瘡痍初平悉心撫字盜感其誠至相約不入境同時署三山巡檢李遇春字協恭平江人有幹才邑勝山坎墩民情強悍喜械鬪遇春爲雲升器重得用嚴法懲治強暴爲之懾伏又捐貲創設文蔚書院文風一振語見學校志後有李寶森者字仲文光緒七年任三山巡檢儉約清勤有訟其仇者以二

餘姚縣志 卷二十二 名宦

十金賄囑答二十寶森曰枉法而得錢吾不忍也力卻之

案康熙乾隆兩志以官階爲次今依時代雖微秩實惠在民必著錄公論未容泯也

餘姚縣志卷二十二名宦終

光緒重修